

आकाशवाणी

पैहले खास-खास खबरां

1. 18मां ब्रिक्स शिखर सम्मेलन अज्ज नमीं दिल्ली च भारत दी अध्यक्षता च रम्भ होआ। प्रधानमंत्री नरेन्द्र मोदी होरें आखेआ, भारत दी अध्यक्षता लोककेन्द्रित ते मानवता-पैहलें दे रौं पर आधारित ऐ।
2. ब्रिक्स शिखर सम्मेलन 2026 दे पैहले दिन सब्भनं ब्रिक्स देशें सर्व-सैहमति कन्नै नमीं दिल्ली घोषणा-पत्र अपनाया।
3. प्रधानमंत्री नरेन्द्र मोदी होरें मलेशिया, वियतनाम ते इथियोपियाई समकक्ष कन्नै दबकखया मीटिंग लाइयां।
4. येमन च Houthi विद्रोहिणं सामरिक द्वीपें पर कब्ज़ा करियै लाल-सागर आहले समुन्द्री रस्ते पर अपना गलबा मज़बूत करी लेया ऐ। सऊदी अरब नै हमले मगरा महत्वै आलियां पाईप-लाइनां कीतियां बंद।
5. छत्तीसगढ़, तेलंगाना ते विदर्भ च बड़ी भारी बरखा दे खदशे गी ध्यानै च रखदे होई अज्ज ऑरेंज अलर्ट जारी कीता गेआ।
6. ते हॉकी च भारती महिला टीम मोकी, चीन च दक्खन कोरिया गी 5-1 कन्नै हराइयै जूनियर एशिया कप 2026 दे फाईनल च पुज्जी गेई ऐ।
- 7.

<><><><><><>

BRICS Summit

भारत दी अध्यक्षता च 18मां ब्रिक्स सम्मेलन अज्ज नमीं दिल्ली च रम्भ होआ। प्रधानमंत्री मोदी होरें तमिलनाडू दे रामेश्वरम च मशहूर रामनाथ स्वामी मंदर दी पृष्ठभूमि च भारत मंडपम च दुनिया दे लीडरें दा सोआगत कीता। दंऊ दिने तगगर चलने आहले इस बड्डे कार्यक्रम च 11 मिम्बर देस ते 10 भ्याल देस किट्ठे होए दे न।

सम्मेलन दौरान वैश्विक शासन बवस्था, बहुपक्षवाद बपार ते निवेश, प्रोद्योगिकी खाद्य ते ऊर्जा सुरक्षा, सेहत सेवा, आपदा प्रबंधन ते होर दुए महत्वे आहले मुद्दें पर बचार बमर्श होने दी मेद ऐ। ए सम्मेलन भारत दी 2026 ब्रिक्स प्रधानता तैहत होआ करदा ऐ, जेदा सिरलेख ऐ बिल्डिंग फॉर रेजिलिएंस Innovation Co-Operation & Sustainability. प्रधानमंत्री नरेन्द्र मोदी होरें ब्रिक्स च निरंतरता ते अमलावरी आहले तंत्र

दी तज्जीज़ रखी ऐ तां जे समूह दी संस्थागत गति, हर बरे अध्यक्षता बदलने दे बावजूद बनी रवै। अज्ज नमीं दिल्ली च चला'रदे ब्रिक्स शिखर सम्मेलन 2026 दे सत्र दे उदघाटन आहले सम्बोधन च श्री मोदी होरें आखेआ जे एह तंत्र, Troika दे माध्यम कन्नै सब्भनं पैहलकदमियें दे उन्दे नतीजें दी निरंतरता पक्की करोग। प्रधानमंत्री होरें आखेआ जे ब्रिक्स मुखें गी अगले 20एं बरे लेई इक नमां ते आसैं-तांगें आहला एजेंडा तैयार करने पर कम्म करना होग। उ'नं आखेआ जे इस प्रक्रिया दी शुरुआत, समूह दी अपनी कार्य प्रणाली कन्नै होनी चाईदी।

<><><><><><>

BRICS Delegation

ब्रिक्स मुखें अज्ज ब्रिक्स शिखर सम्मेलन 2026 दे पैहले दिन सर्व-सहमती कन्नै नमीं दिल्ली घोषणा-पत्र अपनाई लेया। शिखर सम्मेलन दा आयोजन भारत मंडपम नमीं दिल्ली च कीता जा'रदा ऐ। प्रधानमंत्री नरेन्द्र मोदी होरें शिखर सम्मेलन दे पैहले दिन सत्र समापन दौरान घोषणा पत्र दी तज्जीज़ रक्खी। अपने सम्बोधन दे अखीरे च प्रधानमंत्री होरें आखेआ नमीं दिल्ली घोषणा-पत्र गी अंगीकार करियें सब्भनं मिम्बर मुखें एह वोट कीता ऐ ते सब्भनं दा धैय्या सांझा ऐ। उ'नं आखेआ एह हून उन्दी सांझी जिम्मेदारी ऐ जे इनं धेइय्यै गी धुरे तोड़ी पजाच्चै। प्रधानमंत्री होरें आखेई जे अज्जै दी चर्चा नै साफ करी दिता जे बलोंदी दुनिया च पुरानी सोच आलियां संस्था नेंई चली सकदियां।

<><><><><><>

Joshi Bharat Expo

शिक्षा मंत्री प्रहलाद जोशी होरें आक्खेआ जे ब्रिक्स शिखर सम्मेलन च लोआई गेदी 'इंडिया इनोवेट्स' प्रदर्शनी दा मकसद उच्च शिक्षा ते अनुसंधान संस्थानें च विकसित नमिं काइडें गी दुनिया दे सामने पेश करना ऐ। इक सोशल मीडिया पोस्ट च श्री जोशी होरें आक्खेआ जे इस प्रदर्शनी च सब्भनं मन्ने-परमन्ने दे लोकें दा सोआगत करना देश लेई गर्व दी गल्ल ऐ। उ'नं आक्खेआ जे प्रधानमंत्री नरेन्द्र मोदी हुंदी दूरदर्शी अगुवाई च भारत दा नवाचार ईकोसिस्टम तेजिआ कन्नै विकसित होआ ऐ।

<><><><><><>

NIA Raids

राष्ट्री जांच एजेंसी NIA नै अज्ज जम्मू-कश्मीर च 10 थाहरें पर चानचक्क तपाशी अभियान चलाया। ए कारवाई पाकिस्तान दे हैंडलर्स ते मकामी Over Ground Worker दे नेटवर्क कन्नै जुड़ी दी बन्ने पार थमां चलाए जाने आहली आतंकी साजिशें दे सरबंथे च कीती गई। NIA दियें टीमें श्रीनगर, कुपवाड़ा, अनंतनाग, पुलवामा ते बडगाम च तपाशी अभियान चलाया। ए जांच 31 मार्च गी लश्कर-ए-तैयबा कन्नै जुड़े दे इक्क कथित OGW दी गिरफ्तारी मगरा होआ करदी ऐ। ध्यानजोग ऐ जे इस ओवर ग्राउंड वर्कर कोला इक्क हत्थ गोला ते होर दुआ गोला बरुद बरामद कीता गेआ हा। एजेंसी बरीकी कन्नै मामले दी पड़ताल करारदी ऐ।

<><><><><><>

PM-Ethopia Talks

प्रधानमंत्री नरेन्द्र मोदी होरें नमीं दिल्ली च 18में ब्रिक्स शिखर सम्मेलन दे बाहरें अज्ज अपने इथियोपियाई जोड़ीदार Doctor अबी अहमद अली हुंदे कन्नै दबकखया गल्लबात कीती। विदेश मंत्रालय नै इक ब्यान च आखेआ जे दौनें लीडरें, इस दौरान दबकखया रणनीतिक सांझ-भ्याली गी होर तगड़ा करने दे उपायें पर बचार-बटांदरा कीता। दौनें नेताएं आर्थिक सहयोग, रक्षा ते सुरक्षा भ्याली ते समर्थ निर्माण समेत, प्रमुख क्षेत्रें च होई दी तरक्की दी समीक्षा कीती।

एह बैठक दिसम्बर 2025 च प्रधानमंत्री मोदी हुंदी अदीस अबाबा दी ऐतिहासिक यात्रा दी बिनाह पर अगगे बधी दी सांभ-भ्याली गी दर्शादी ऐ। दौनें नेताएं अंतराष्ट्री घटनाक्रमें पर विचार-बचांदरा कीता जिंदे च दबकखया हितें आहले मुद्दे शामिल रेह। उनें बहुपक्खी मंचें पर तगड़े सहयोग लेई अपनी वचनबद्धता दोहराई। बैठक दौरान प्रधानमंत्री मोदी होरें 18में ब्रिक्स शिखर सम्मेलन च इथियोपिया दी भागीदारी दी सराहना कीती ते आखेआ जे ओदी मौजूदगी, वैश्विक दक्खन दी सामूहिक बांज्ज गी मज़बूत करने च मदादगार रेई ऐ। प्रधानमंत्री होरें अबू धाबी दे शहजादे, खालिद-बिन-मोहम्मद-बिन-ज़ायद-अल-नाहयान हुंदे कन्नै बी दबकखया गल्लबात कीती।

<><><><><><>

Soudi Arabia -Pipe line

सऊदी अरब नै ड्रोन हमले दे इक दिन मगरा अपनी बड़्डी पूर्वी पच्छिम तेल पाईप लाईन आरजी तौरा पर बंद करी ओड़ी ऐ। मुल्खै दे ऊर्जा मंत्रालय नै इस्सी ऐहतियाती कारवाई दस्सेआ ऐ। इस्ट वैस्ट पाईप लाईन नै ईरान, अमरीका, इजरायल युद्ध दौरान होर्मुज जल डमरु मध्य पर लाई गेदी रोक दौरान सऊदी अरब दे तेला दे निर्यात च महत्वै आली भूमिका अदा कीती ही। सऊदी अरब दे विदेश मंत्रालय नै ईराक आसेआ कीते गेदे ड्रोन हमलें दा आरोप लाया ऐ। ईराकी सरकार नै हमले दी निंदेया कीती ते जांच दे निर्देश दिते। यमन च ईरान दी समर्थ आले हाऊथी विद्रोहियें मौखा बंदरगाह ते बाबएलमंदीप च महत्वै आले पैरेम द्वीप पर कब्जा कीता, जेदे नै लाल सागर आले जल रस्ते पर उन्दा गलबा होई गेआ।

<><><><><><>

Prez Iran-Prez Talks

राष्ट्रपति द्रौपदी मुर्मू होरें अज्ज नमीं दिल्ली च ईरान दे राष्ट्रपति मसूद पेजेशिकयान हुंदे कन्नै मलाटी कीती। एहदे शा पैहले कल शिखर सम्मेलन दे बाद उनें प्रधानमंत्री नरेन्द्र मोदी हुंदे कन्नै दपक्खी बैठक लाई। दौनें नेताएं पच्छिम एशिया च हाल दे घटनाक्रम पर चर्चा कीती। प्रधानमंत्री मोदी होरें दोहराया जे सब्बनें मुद्दे गी गल्लबात ते कूटनीति राएं हल कीता जाना लोड़चदा। प्रधानमंत्री नरेन्द्र मोदी होरें आलमी सतह उप्पर बपार गी बवस्थित बनाई रक्खने लेई सुरक्षित समुंदरी मार्ग, निर्विघ्न आपूर्ति मार्ग ते नाविकें दी सुरक्षा जकीनी बनाने दा आह्वान बी कीता।

<><><><><><>

China Resumes Flights

चाइना सदरन Airlines नै अज्ज आखेआ जे ओ इस महीने दी 21 तरीकें थमां ग्वांगझोऊ ते नमीं दिल्ली मझाटै 6एं बरें दी मुअत्तली मगरा बाकायदगी कन्नै फीह यात्री-डोआरियां शुरु करोग। भारत ते चीन मझाटै हवाई सेवा, Covid-19 महामारी मगरा मुअत्तल करी दितियां गेइयां हिया। डोआरियें दी ब्हाली नेह समें च होआ रदी ऐ, जिसलै चीनी राष्ट्रपति शी जिनपिंग हुंदी भारत यात्रा मगरा, दौनें देशें च सरबंघें च सुधार नज़री आवा'रदा ऐ। एह ब्हाली ब्रिक्स शिखर सम्मेलन च चीनी राष्ट्रपति हुंदी शमूलियत ते प्रधानमंत्री नरेन्द्र मोदी हुंदे कन्नै होने आली गल्लबात दे मददेनज़र कीती जा'रदी ऐ। इस बरे मार्च महीने थमां भारती विमानन कम्पनी इंडिगो नै बी भारत ते चीन बश्कार

हवाई सम्पर्क गी बधांदे होई शंघाई ते कोलकाता मझाटै रोजा-रोज डोआरियां शुरु कीतियां हियां।

<><><><><><>

Weather

भारती मौसम विभाग IMD नै अज्ज छत्तीसगढ़, तेलंगाना ते विदर्भ च भारी थमां बड़ी मती भारी बरखा दे खदशे लेई ऑरेंज अलर्ट जारी कीता ऐ। अज्ज उत्तराखंड, गुजरात, कोंकण, गोआ, मध्य प्रदेश, महाराष्ट्र ते छत्तीसगढ़ च बी भारी बरखा पौने दा इमकान ऐ। इस्सै चाल्ली ओडिशा, तेलंगाना, पच्छिम बंगाल ते पूर्वोत्तर भारत दे किश हिस्सें च बी इस्सै चाल्ली दा मौसम बने रौहने दी संभावना ऐ। मौसम विभाग मुजब तमिलनाडू, पुदुचेरी, आंध्र प्रदेश, कराईकल, विदर्भ, बिहार, राजस्थान ते अंडमान निकोबार द्वीप समूह च कलै तकर बरखा पौंदी रौहग ते बदलै दे गज्जने-लिशकने दी बी संभावना ऐ। मौसम विभाग नै दिल्ली च अज्ज संजा हौली बरखा पौने दी मेद दस्सी ऐ।

<><><><><><>

JK Weather

मौसम विभाग ने जम्मू-कश्मीर च कल तगर मौसम दे आमतौरा पर खुशक रौहने ते कुसा-कुसा थाहर हल्की बूँदा-बूँदी होने दी पेशनगोई कीती ऐ। ऊआं 13 शा 16 सितम्बर दे बश्कार केई थाहरें बड़लै ते दपैहरी हल्की बरखा पेई सकदी ऐ। एहदे मगरा 17 शा 20 सितम्बर तगर आमतौरा उप्पर मौसम खुशक गै रौहग पर ऊआं कुसा-कुसा थाहर हौली बरखा बी पेई सकदी ऐ।

<><><><><><>

Hockey

हॉकी च भारत नै अज्ज मस्कट च दक्खन कोरिया गी 5-1 कन्नै हराइयै महिला जूनियर एशिया कप 2026 दे फाइनल च अपनी थाहर पक्की करी लैती ऐ। फाइनल मुकाबले च भारत दा मुकाबला अज्ज चीन कन्नै होग।

भारत आसेआ सुप्रिया नै हैट्रिक बनाई, जिसलै के मधु सिडार ते सुखवीर कौर नै बी भारत लेई गोल कीते। तोंआई यूनि येऑंग नै दक्खन कोरिया दी तरफा इक्कला गोल कीता।

एह जित भारत दी 19-सिफर दी क्वार्टर फाइनल जित मगरा आई ऐ, जेदे च भारत नै पाकिस्तान गी हराया हा। भारत अपने ग्रुप च सब्भनै शा उप्परली थाहरै पर ऐ ते इस ग्रुप च जापान, मलेशिया, दक्खन कोरिया बी शामिल ऐ।

भारत लगातार त्री बारी महिला जूनियर एशिया कप दा खिताब जितने दे यत्नै च ऐ। एहदे शा पैहले, भारत नै 2023 ते 2024 च एह टूर्नामेंट जितेआ हा।

<><><><><><>

US-Open Tennis

अमरीकी ओपन टेनिस च 8में शीर्ष दे खडारी Ben Shelton दा मुकाबला जर्मनी दे Alexander Zverav कन्नै होग। जेवरेव नै रूसी खडारी Karen Khochanov गी 6-3, 7-6, 7-6 कन्नै अज्ज बड्डलै पैहले सैमीफाईनल च हराया। मगरा अखीरी चंडू मैचें च Ben Shelton नै फ्रांस दे 11में नम्बर दे खडारी Tia foe गी 4-6, 6-3, 6-3, 7-5 कन्नै हराया।

महिला सिंगल्स च मौजूदा चैम्पियन Belarusian दी आर्चना सबालेंका अज्ज रातीं फाईनल च कज़ाकिस्तान दी एलेना रयबाकिना दा सामना करोग।

<><><><><><>

Prakash Purab Greetings

केन्द्री गृहमंत्री अमित शाह, रक्षा मंत्री राजनाथ सिंह ते लोकसभा स्पीकर ओम बिरला होरें अज्ज श्री गुरु ग्रंथ साहब हुंदे प्रकाश पर्व दे पवित्र मौके पर देशवासियें गी शुभकामनां भेंट कीतियां न। अपनी इक सोशल मीडिया पोस्ट च श्री शाह होरें आखेआ जे इस पावन ग्रंथ च सेवा, बलिदान ते बरोबरी दियां नमुल्लियां शिक्षां भरोची दियां न।

<><><><><><>

3rd National Lok Adalat

इस बरे दी त्री राश्ट्री लोक अदालत अज्ज समूलचे जम्मू-कश्मीर च लोआई गई जेदे कन्नै लोकें गी अपने तनार्जे दा तौले ते रमानदारी कन्नै नबेड़ा करोआने दा मौका थोआ। श्रीनगर च जम्मू-कश्मीर ते लद्दाख हाई कोर्ट दे मुख न्यायधीश जस्टिस पुष्पेन्द्र सिंह भाटी होरें इस कार्यक्रम दी शुरुआत कीती ते कन्नू दे दायरे च गल्लबात राए मुद्दे गी हल करने पर जोर पाया। जम्मू च तकरीबन 750 मामलें दा नबेड़ा कीता गेआ, जिंदे च तकरीबन 9 करोड़ रपे मोटर एक्सीडेंट क्लेम ट्रिब्यूनल मामलें च दिते गे। उधमपुर च त्रंऊ बैंके बैंक दोआर, वैवाहिक ते सिविल मामलें दा नबेड़ा कीता।

<><><><><><>

Flyover Rxns

जम्मू दे लोकें सरकार दे प्रस्तावित बखशी नगर फ्लाई-ओवर बनाने दे फैसले दा सोआगत कीता ऐ। उ'नें आखेआ जे एदे बनने कन्नै बार-बार लगने आहले ट्रैफिक जाम थमां बड़ी मती राहत थोहग। साढ़े जिला संवाददाता नै दस्सेआ जे जम्मू-कश्मीर मंत्रिमंडल नै इस परियोजना गी मंजूरी देई दिती ऐ। एदे पर तकरीबन 386.83 करोड़ रुपे दा खर्च औग।

1.995 किलोमीटर दा एलिवेटड लांघा जम्मू अखनूर रोड पर मौजूदा मुट्ठी फ्लाई-ओवर गी शकुंतला थिएटर कश बी.सी. रोड कन्नै जोड़ग। एदे पर बखशी नगर मार्किट ते महेशपुरा रोड्टरी शामिल न। ए परियोजना फंड ते कानूनी मंजूरी थोहने पर पंज बरे दौरान बक्ख-बक्ख चरणे च पूरा कीता जाग।

<><><><><><>

Terrorist Body Recovered

सुरक्षा बलें पाकिस्तानी आतंकी संगठन जैश-ए-मोहम्मद दे इक्क आतंकवादी दी लोथ बरामद कीती ऐ, जिसी डोडा जिले च इक्क पैहले चलाए गेदे इक सांझे अभियान दौरान मारी मकाया गेआ हा। जम्मू-कश्मीर पुलिस ने इक्क सोशल मीडिया पोस्ट च दस्सेआ जे ए बरामद गी सरबन्धी अभियान स्पेशल आप्रेशन ग्रुप डोडा, राश्ट्री राइफल्स ते केन्द्री रिजर्व पुलिस बल आसेया चलाया गेआ। अधिकारियें दस्सेआ जे इस अभियान दौरान आतंकवादी दी लोथ बरामद कीती गई। कुसै थाहरै थमां रातीं नेरे च दस्सने आहली M4

रफल बी थोई ऐ। सुरक्षा बल इलाके च निगरानी ते सुरक्षा बदाने दे मकसद कन्नै अभियान जारी रखा रदे न।

<><><><><><>

SIA Poonch Raids

राज्य जांच एजेंसी NIA नै अज्ज पुंछ जिले दे मंडी ते सूरनकोट इलाके च बक्ख-बक्ख थाहरें पर तपाशी अभियान चलाया। साढ़े जिला संवाददाता नै खबर दिती ऐ जे पुलिस मुजब SIA दियें टीमें दंऊ जनें दे घरें दी तलाशी लैती, जिंदे च इक्क मंडी दे चीला ढांगरी इलाके ते दुआ सूरनकोट तहलील च हा। ए तपाशी अभियान चला'रदी जांच दे इक्क हिस्से तैहत लैती गेई। अधिकारियें अजें तग्गर इस मामले जां तपाशी दे मकसद दी जानकारी नैई दिती ऐ।

<><><><><><>